

第十卷

歷史文獻

上海圖書館歷史文獻研究所編

示畫馬詩擬橫跋宏筆二有計少
法以遠歷裝副望當時國安宗
變事激越金唱金馬盛衰今昔
所天應位在此詩云云印張
字八角花牋以為玉寶華宗陽主
蓋行飲嗜皆有前定也敬上

上海古籍出版社

第十九輯

歷史文獻

上海圖書館歷史文獻研究所編

上海古籍出版社

圖書在版編目(CIP)數據

歷史文獻. 第19輯 / 上海圖書館歷史文獻研究所編.
—上海: 上海古籍出版社, 2015. 12
ISBN 978-7-5325-7780-4

I. ①歷… II. ①上… III. ①中國歷史—文集 IV.
①K207-53

中國版本圖書館 CIP 數據核字(2015)第 201800 號

責任編輯 張禕琛

歷 史 文 獻 第十九輯

上海圖書館歷史文獻研究所 編

上海世紀出版股份有限公司
上海古籍出版社 出版

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.co

上海世紀出版股份有限公司發行中心發行經銷

浙江臨安曙光印刷有限公司印刷

開本 850 × 1168 1/32 印張 14.25 插頁 4 字數 345,000

2015 年 12 月第 1 版 2015 年 12 月第 1 次印刷

ISBN 978-7-5325-7780-4

K · 2094 定價: 58.00 元

如有質量問題,請與承印公司聯繫

編纂委員會


顧問 王鶴鳴 王世偉
主編 黃顯功 陳建華
委員 (以姓氏筆劃為序)

王 宏 胡 堅 高洪興


陳先行 陳建華 張 偉

梁 穎 黃顯功


執行編委 梁 穎




許庚身致朱學勤手札



朱智致朱學勤手札



張百熙致瞿鴻機手札



瞿鴻機致張百熙手札



藏書家劉承幹

昨奉璇想蒙

鑒及于初雷山雨泥渡書久為卷軸若蛇繳展殊可感

也原潤

閱一快紅標必解祈

公治子藏多可請錄不過送子初雷可耳幸以通古自當全

依穀陸先生原稿次第通衍奉係實齊子嗣以意定宜且少刪

汰殊不足據昨書擬以原稿外通文據若則為先外通並原

稿山有外某名月則凡原稿亦遠似當統外口外通或則條附於

原稿之後較合體例非據若中稍並立疎朗難決擇耳建與張

山蓋齊細角宜一非例願先令免官以公稿依以鈔出否有暑日


富以此書不難在校而實難在鈔次蓋齊最精於例祈

公以此書與之一閱於相商權為古人續款命為來學特佳刊潤

學術前途雖似不宜早之也專素敬頌

翰怡先生有道和定 張爾田

張爾田致劉承幹手札



求恕齋函稿

目 錄

謹庭老人自訂年譜	(清) 陸恭撰	李 軍整理(1)
杜文瀾致應寶時手札		沈麗全整理(31)
朱智、許庚身致朱學勤手札		鄭曉燕整理(64)
張百熙、瞿鴻禨往來書札(上)		黃 薇整理(83)
緣袈廬遺札(下)		夏 穎整理(118)
羅振玉與沈曾植書函		許全勝整理(156)
羅振玉手札(續)		丁小明整理(174)
求恕齋函稿·致羅振玉		王繼雄整理(191)
遜龕遺札(上)		梁 穎整理(246)
張嘉璈日記	耿慶強整理	許全勝校訂(273)

——宋餘姚柏山胡氏宗族《莫太夫人家訓》解讀

.....	嚴佐之(308)
施閏章等致宋瑩書信考釋	龍 野(367)
《陳三立年譜長編》補遺	吳建偉(383)
葉景葵任大清銀行監督史料考釋	柳和城(420)
上海圖書館藏鄔達克建築照淺析	嚴潔瓊(439)

謹庭老人自訂年譜

□ (清) 陸 恭 撰 李 軍 整理

陸恭(1741—1818),字孟莊,號謹庭、綠扶。江蘇吳縣(今蘇州)人。先世姓朱,為明朱存理從弟存忠後人,因贅於陸,生子孟(號愛竹),以舅姓游庠,遂易姓陸。謹庭幼聰穎,讀書過目不忘,科考屢失利,年四十始中舉人,以奉養老母,遂絕意仕進。弱冠授室,分居鸚鵡里孝友堂。妻顧氏(1743—1795),乃顧若霖(字雨時,號可潛)女孫、顧自名(字明善,號復庵)次女。鸚鵡里新居內有古松一株,濤聲時作,因名其齋曰“松下清齋”,截取王摩詰《積雨輞川莊作》“山中習靜觀朝槿,松下清齋折露葵”一聯語也。孝友堂、松下清齋兩額,為梁同書所書。又有四梅閣,儲宋人楊補之《四梅花卷》,其額為劉墉手題。此卷係外家顧氏舊物,自陸氏散出後,歸程楨義,轉由謹庭外孫潘遵祁收得,襲用四梅閣之名,築小齋於光福別業香雪草堂東側,因緣巧合有如是者。此外有“乃吾廬”,係翁方綱所題額。

乾隆四十七年(1782)壬寅冬,陸氏曾請王宸(蓬心)作《松下清齋圖》,據卷後其外孫潘遵祁題記知,圖後原有翁方綱、張埏、洪亮吉、王文治、黃易、桂馥、吳照諸家題識。嘉慶九年(1804),尤蔭攜之游浙,意外失落,僅有吳照題詩因未付裝留於陸氏。杭州奚岡

聞之，為補作《松下清齋圖》立軸，惜不能與家中所存之題跋合裝。至嘉慶十六年(1811)，陸恭乃復請宋葆淳重繪一卷，襲用舊名，並函請翁方綱重寫二十八年所作二詩，與吳錫麒長歌合裝新卷。咸豐十年(1860)庚申亂起，吳中故家遺物散失無算，孝友堂毀而清齋獨完，宋卷無恙而古松已萎，謹庭後人陸清彥因補植一松，並請潘遵祁重書齋額。越數年至同治九年(1870)，清彥獲王蓬心一卷於金陵試院前古董鋪，卷前翁題引首及卷後翁氏、張塤、蔣知讓三家詩尚存，亟購歸，與宋卷合二為一，距王卷之失已六十七年、謹庭之逝逾五十載矣。同光間，卷後又添潘遵祁、俞樾兩家題跋。後歸錢鏡塘，近年數次現身拍賣場。

有清一代，吳門藝事之盛，烜赫於江南，賞鑑品評之風益振，鑒藏之家蔚起，著名者若朱之赤、陸時化、繆曰藻、畢沅、畢瀧等，傳記見於史志隨筆，並有藏目傳世，名播于衆口。然亦有藏弃與諸家相埒而名不彰者，池上書堂蔣春皋、松下清齋陸謹庭兩家是也。蔣氏之名，見於錢大昕、黃丕烈、錢詠諸先生日記、題跋中，僅及別號春皋，陸氏略與之等。嘉道以後邑志，陸氏止列名選舉一門，餘無所見。至民國《吳縣誌》卷七十五上《列傳·藝術》，始引《耕硯田齋筆記》云：“陸恭字孟莊，號謹庭。吳縣人。乾隆庚子孝廉。點染花卉，讀書嗜古，精鑑賞，收藏古帖名畫。嘉慶年卒，年六十。”凡四十一字，述其生平殊簡略，且記其卒年六十，亦乖事實。潘遵祁《須靜齋雲煙過眼錄序》云：“先大父謹庭先生為吳中藝林正法眼藏。”足見昔日聲名之盛。而今人有以陸氏為王文治女婿，耳食販掠，人云亦云，殆未讀潘奕雋作《陸君墓誌銘》，以致謬種流傳。所幸陸氏有《自訂年譜》一種傳世，並乞好友翁方綱序之，於其生平、家世記述詳明，兼及收藏事跡。

陸氏年譜迄無刊本，僅存抄本。目下可見者凡三種：一藏上海圖書館，為楊秋庵據潘睦先過錄香雪草堂本為私立上海合衆圖

書館寫副，全本用合衆圖書館綠格稿紙，每半葉十三行，行二十二字，左右雙邊，白口，雙對魚尾。末有顧廷龍先生跋，述其顛末甚詳。一藏復旦大學圖書館，為王氏學禮齋抄本，亦從潘睦先本出。全本用無格竹紙寫錄，每半葉八行，行三十字。與《錢可廬傳》合裝一冊。末有王欣夫先生題記，《蛾術軒篋存善本書錄》有長跋，揭櫫其價值。另有清光緒十年（1884）潘志萬鈔本，著錄於《適園藏書志》，今藏臺灣“中央圖書館”。每半葉十行，行二十一字，四周單邊，白口，單黑魚尾。書衣題“陸謹庭先生年譜。乙未元旦，潘志萬謹署”，卷端首行題“年譜”二字，次行題“謹庭老人自訂”。書前有翁方綱序，末有光緒十年潘志萬跋。鈐記除潘志萬八印外，尚有“芹圃收藏”朱文長方印，可見此本後為南潯適園主人張鈞衡之子張乃熊所有，至抗戰中，由文獻保存同志會為央圖收得之。茲以上海圖書館、復旦大學圖書館藏本整理，附錄顧、王二先生題跋。

陸氏松下清齋貯藏宏富，法書名畫，宋元以下，往往有之。碑帖善本，精罕其比，臨川李氏“四寶”之中，半出謹庭齋中。而謹庭於古物呵護備至，不輕加題記，歷年所見，僅得《隋啟法寺碑》、《孟法師碑》、《越州石氏楷帖》、《宋拓春草堂游丞相蘭亭》、《淳化閣帖》題記五種，原物分藏日本、香港、北京等地，搜輯匪易，並附於後，以存文獻。

例授文林郎庚子科舉人 揀選知縣陸君墓誌銘

吳縣潘奕雋撰

往歲謹庭之歿也，余既哭而誄之。越一年，其孫儀卜兆將營葬，持年譜來徵銘。余憶始識君在乾隆戊子後，余官京師，君試都門，往來甚密。申之以婚姻，歸田後，與君居僅隔一巷，敲詩讀畫，晨夕過從，回憶訂交之初，已五十年矣。計知交中，知君生平者無

如余，雖不文，奚能辭。按譜，君姓陸氏，諱恭，字孟莊，謹庭其自號也。先世朱姓，九世祖諱孟，以舅氏姓游庠，因世為陸氏。高祖秉圭考授州同知，曾祖純錫吳庠歲貢生，候選教諭。祖觀潛，長庠歲貢生，候選教諭。父字豐，乾隆壬申恩科舉人，候選知縣。君生而穎異，讀書過目成誦。年十八，補吳庠博士弟子，屢薦未售。庚子始舉京兆鄉試，座主大學士漳浦蔡公新、少司寇杜公玉林、閣學嵩公貴，皆以大器目之，時君年已四十矣。辛丑、甲辰兩試禮闈，得而復失，旋以母徐太孺人年高侍養，絕意進取，督課子弟，丹黃甲乙，至老不衰。又精於鑒古，法書名畫、漢鼎秦碑，過眼輒辨時代，一時名流碩彥，喜翰墨者如覃溪閣學、夢樓太守無不傾倒於君也。君孝友性成，兩遭大故，殯葬合禮。同懷兄弟五人，仲曰敬，嗣叔江涵公後，生子沅，九日失恃，君撫為己子，教養兼至。年弱冠，舉乙卯本省鄉試。因弟中齋歿，無嗣，命立為後，蓋君之篤於倫紀如此。其他持躬接物，侃直之氣、肫摯之心、端方之品、儉約之風，不可殫述，後之人讀其自訂年譜，可想見其為人。君生乾隆六年正月十二日，卒於嘉慶二十三年九月初四日，享年七十有八。配顧孺人，上舍復庵公女。孝養尊嫜，慈撫子姪，宗黨稱賢助云。先君二十三年卒，合葬於□□都□□圖乃字圩之新阡。子一，潛，貢生，布政司理問。先君一年卒，今亦祔葬焉。女一，歸余子世璜。孫二，儀，布政司理問；佑，嗣姪沅後。孫女二，長適謝傳熙；次歸余姪孫曾彥。銘曰：屹屹者山，宛宛者塘。成此吉壤，實維君藏。其積也厚，其流也長。宜爾後嗣，爾熾爾昌。

序

陸君謹庭以鄉、會試五至金臺，屢過予舍。予性喜金石文字，陸君鑒藏法書名畫，考訂精確，相見恨晚。每翦燭淪茗，亶亶忘倦，乃廿年契闊，雖魚雁時通，憾當時未傾吐生平也。黼元中翰為謹庭

猶子，恩撫教養，弱冠成名，每與計偕，必謁予，藉悉謹庭近況，並寄示書畫題跋，鉅眼精心，與年俱進。今春至都來謁，攜謹庭書並自訂年譜稿略，屬為敘述家世，予不獲辭。陸氏本係朱姓，明旌孝子諱顥，君族祖也。九世祖諱孟，以舅氏姓游庠，始姓陸。高祖封奉政諱秉圭，曾祖贈朝議候選教諭諱純錫，祖贈奉直候選教諭諱觀潛，父即用知縣孝廉公諱字豐。君生逢重慶，長凜過庭，友愛諸弟，訓誥子孫，萬石家風，清閨高躅，過吳門者譚書畫，必訪君鑑定，梁山舟侍講題其堂曰“孝友”，書室曰“松下清齋”。讀君年譜，恍入堂齋，與君晤對矣。君年按譜方六十四，恰合卦數。予新得唐易卦鑑，其銘曰：卦數盈，氣清明。歲月成，日初升。長樂生，慶太平。子孫享，福祿并。手拓銘文寄君，從此耆耄期頤，長生無極。年譜續增，正未艾也。嘉慶乙丑春，北平覃谿翁方綱。

年 譜

高宗純皇帝乾隆六年(1741)辛酉

正月十二日寅時，予生於芳谿舊居。

吾家世居濠南康履橋之雁宕西廬。雍正癸丑歲，曾祖考湖西府君移居高師巷芳谿別築。吾父朗村府君、吾母徐太孺人先舉兩姊，三索得男。是時，曾祖考、妣暨祖考雲圃府君俱在堂。倪介扶先生賀湖西府君得曾孫詩，有“上春試取干戈日，冠年堪到鳳凰池”句，曾祖考名予曰恭。及冠，字曰孟莊，號謹庭，又號綠扶。

乾隆七年(1742)壬戌 二歲

秋，二弟茂生。明年夏殤。

乾隆八年(1743)癸亥 三歲

春，曾祖考舉七秩壽觴。

夏，曾祖妣汪太恭人卒。

乾隆九年(1744)甲子 四歲

春,次弟敬生,後號默齋。彌月後,曾祖考即命嗣江涵叔父後。初叔父聘宋氏,即予祖姑母女。乾隆元年,叔父卒,叔母以二年冬過門守貞,爰命為嗣。

乾隆十年(1745)乙丑 五歲

夏,三弟華生,後號中齋。曾祖考因默齋弟嗣出,故呼弟為三。

乾隆十一年(1746)丙寅 六歲

春,始入家塾,受業於沈湘盛師。

秋,半梓三叔父入吳庠。

乾隆十二年(1747)丁卯 七歲

讀四子書。

秋,府君應京兆試。

乾隆十三年(1748)戊辰 八歲

秋,四弟荃生,後號藝園。

乾隆十四年(1749)己巳 九歲

始讀書。

秋,仲妹生,後歸蔣妹倩竹浦。伯姊長予四歲,後歸顧姊丈仲殷。次姊長予二歲,二叔母撫為女,後歸宋姊丈慧遠,故妹行居二。

乾隆十五年(1750)庚午 十歲

始誦詩,識四聲。

秋,府君應京兆試,考職授州吏目。向來考職一文一判,完卷者無不錄取。兩科以來,大有去取。是年規制更肅,錄者無多矣。

乾隆十六年(1751)辛未 十一歲

春,予與中齋弟同受業於高賓谷師,始讀《易》,講《朱子大全》。

冬,府君北上應明春京兆試。

乾隆十七年(1752)壬申 十二歲

受業於江寧揚師，師昔與吾祖同入長庠。

是春，特開恩科，各省以二月鄉試，順天以三月、四月初九日發榜，府君中式第三十四名，房師右庶子國公柱、座主大司空孫文定公嘉淦、閣學介公福。

是秋，於恩科會試榜發後，挑取四十人，以知縣即用，府君與焉。吏部引見，奉旨新科舉人仍令會試，不必選用。

冬，歸里。

乾隆十八年(1753)癸酉 十三歲

春，曾祖考八秩壽，祖考六秩壽，先後舉觴。

乾隆十九年(1754)甲戌 十四歲

春，府君應禮部試，卷出王公太岳房，額滿見遺。

受業於李庾梅師，師吳庠廩貢，後予昆季入泮，皆師認保。三《禮》、三《傳》、《史》、《漢》八家，以次卒業。

秋，五妹生。後歸陳妹倩南耿。

乾隆二十年(1755)乙亥 十五歲

始習帖括，作夏日則飲水，題文運用書卷。祖考閱之，色喜，語予曰：昨夢汝等三孫在蘅香草堂池畔植桂三株，汝等勉之。并語默齋弟及義庵弟，蓋皆池畔植桂者。

乾隆二十一年(1756)丙子 十六歲

始學作詩。於時庭訓與師課交嚴勤苦，未嘗少間。

秋，韶凌叔祖中式。

冬，四叔母汪太孺人卒。

乾隆二十二年(1757)丁丑 十七歲

春，府君應禮部試，卷出陳公荃房，薦而未錄。

夏，始應縣府試。

秋，院試。府君率予往玉峰，寓南山灣丁丈若山家。